



## Iz Državne agencije potvrđeno

# Ubistvo Leutara istražuje devet pripadnika SIPA-e

Prvobitno bilo angažirano 15 istražitelja, ali je nedavno suspendirano šest

Državna agencija za istrage i zaštitu (SIPA) nakon zaprimanja naredbe od Kantonalnog tužilaštva Sarajevo prvobitno je formirala tim od 15 istražitelja iz različitih organizacionih jedinica koji je zadužen za istragu o ubistvu nekadašnjeg zamjenika federalnog ministra unutrašnjih poslova Jozе Leutara iz 1999. godine, izjavila je za "Avaz" portparol SIPA-e Kristina Jozić.

Ona nam je, međutim, potvrdila da je šest službenika koji su bili članovi ovog tima nedavno suspendirano, tako da na ovom pred-



**Jozić: Tim se može proširiti**

metu trenutno radi devet istražitelja SIPA-e. Jozić je, naime, podsjetila da je 26. februara ove godine suspendirano ukupno 11 službenika SIPA-e do okončanja krivičnog postupka ili krivične istrage koju provodi Tužilaštvo BiH, a koja se odnosi na ispitivanje eventualne nezakonitosti prilikom unapređivanja policijskih službenika u viši čin.

- Istražni tim koji provodi aktivnosti u slučaju ubistva Jozе Leutara može se po potrebi proširiti, te predmetnim suspenzijama apsolutno nije ugrožen njegov rad - rekla je Jozić. **A. Du.**